

հաղարապետին 'ի բաց վանեաց անտի զՅոյնս եւ փակեաց զբուռն » : Այլ վասն Յունաց Զատիկին բացայայտ չգրէ ինչ, թէ յորո՞ւմ աւուր եւ ո՞րպէս տօնեցին զԶատիկին : Զի 'ի ժամանակ նամակի կուսակալին Դամասիոսի եւ հաղարապետին, եւ 'ի դատաստանի 'ի պատուիրեւն փոխանորդին Յունաց, չընդդիմանալ Հայոց ըստ հրամանին . նա պատասխանի առնէ յատենի անդ, « Թէ՛ Յոյնք տօնեցին ըղ-Զատիկն իւրեանց միով եօթնեկաւ յառաջ, եւ սովորական Լոյսն եւ վասն նոցա . այժմ չունին երբէք վէճ եւ հակառակութիւն ընդ Հայս եւ ընդ հետեւողս նոցին » : Ի բանից աստի բացայայտ երեւի թէ՛ Յոյնք արարեալ են զԶատիկն յառաջագոյն, եւ ասա Հայք . զի անկարելի էր խափանել զԶատիկն նոցա, եւ տալ տօնել ընդ Հայոց : Իսկ խառնութիւնքն ծագեալ 'ի միջի՛ էր այս . զի Յոյնք իբրեւ գըլ-խաւոր ազգ կամէին հետեւեցուցանել ինքեանց զՀայս, եւ զայլ քրիստոնեայս, որպէս լեալ էր բազում անգամ, որոյ ոչ հաւանեալ Հայոց, ծագեցան զժտութիւնք եւ աղմուկք մեծամեծք . մինչեւ լուծանել ինդրոյն օրինօք դատարանի եւ զինուք : Իսկ որ ասի թէ՛ Յոյնք առելութեամբ մատնեցին զարս երկուս, դարձեալ 'ի նոյն բան հայի, թէ ընդէ՛ր առանձին տօնեցին Հայք, զայսքան բաւական համարեալ մեր վասն ծուղատկի, տեսցուք զայլ դէպս, որք պատահեցան 'ի սմին ժամանակի :

Եկեղեցականք Վրաց՝ որք բնակէին յԵրուսաղէմ, նըշկահեցին զՊատրիարքն Յունաց Թէոփանէ, եւ չկամեցեալ հնազանդիլ հոգեւոր իշխանութեան նորա . ասեն, ունիմք մեք Պատրիարք յաշխարհի մերում . եւ բաց 'ի նմանէ չճանաչեմք զայլ ոք իշխան 'ի վերայ մեր, եւ թէ՛ չունիմք այլ եւս պէտս Պատրիարքին Յունաց : Զնոյն արարին եւ Սերվիացիք, որով անկաւ զժտութիւն եւ հակառակութիւն 'ի մէջ Սերվիացւոց եւ Յունաց, եւ 'ի սմին ժամանակի կայր տակաւին վանք Ս . Սարայ 'ի ձեռս Սերվիացւոց, եւ նորոգեալ ամրացուցեալ էին զայն պարսոյք եւ աշտարակօք . եւ զվանքն Ս . Միքայելի յԵրուսաղէմ, եւ ստիպէին զՅոյնս տալ ինքեանց արանձին տեղի 'ի տաճարին Ս . Յարութեան, կատարել անդ զպաշտօնս իւրեանց, եւ բաժանիլ 'ի նոցանէ : Տեսուչք վանօքէից Սերվիացւոց համարձակեցան կրել